



PLEIV SOGN GIONS  
7180 DIJENTIS/MUSTÉR



# Pleiv Sogn Gions Mustér Rapport da gestiun 2014

**Impressum**

Editura: Pleiv S. Gions Mustér

Ediziu: 1000 exemplars

Fotografia 1. pagina: Maria Immaculata ad Acletta (G. Tenner)

Stampa: La Tuatschina, Sedrun

© 2015 Pleiv Sogn Gions Mustér

# **Invitaziun alla radunonza generala dalla Pleiv Sogn Gions/Mustér**

*Venderdis, ils 1 da matg 2015 allas 20.15 uras  
en halla communal a Cons/Mustér*

## **Tractandas:**

1. Beinvegni ed elecziun da dus dumbravuschs
2. Protocol dalla davosa radunonza generala dils 4 d'avrel 2014
3. Elecziuns:
  - a) plevon
  - b) ugadessa Cavardiras
  - c) commembers cussegl pastoral
4. Rapport dil president dalla pleiv
5. Rapport dil cussegl pastoral
6. Rapport da quen: Baselgia Sogn Gions
7. Rapport da quen: Pervenda Sogn Gions
8. Rapport da quen: Baselgia Segnas
9. Rapport da quen: Baselgia Cavardiras
10. Rapport dils revisurs da quen e scarica alla suprastonza
11. Preventivs e fixar il pei da taglia
12. Orientaziuns
13. Undraziuns
14. Varia

La pleiv porscha a mintgin/a alla fin dalla radunonza in sempel refrestg.  
Cordial invit a nossa radunonza generala.

*Per la suprastonza dalla Pleiv Sogn Gions/Mustér:*

*Il president:*

*Linus Maissen*

*Il vicepresidente:*

*Gion Tenner*

## Protocol

### dalla radunonza generala dalla Pleiv s. Gions/Mustér, venderdis, ils 4 d'avrel 2014 allas 20.15 uras en halla Cons, Mustér

#### Tractandas:

1. *Beinvegni ed elecziun da dus dumbravuschs*
2. *Protocol dalla davosa radunonza generala dils 1 d'avrel 2013*
3. *Elecziuns:*
  - a) *actuar/a*
  - b) *ugau pervenda*
  - c) *ugau/ugadessa caplania Segnas (vicepresident/a)*
  - d) *revisurs da quen*
  - e) *commembers cussegl pastoral*
4. *Rapport dil president dalla pleiv*
5. *Rapport dil cussegl pastoral*
6. *Rapport dil president dalla Caplania Segnas*
7. *Rapport da quen: Baselgia Sogn Gions*
8. *Rapport da quen: Pervenda Sogn Gions*
9. *Rapport da quen: Baselgia Cavardias*
10. *Rapport dils revisurs da quen e scarica alla suprastonza*
11. *Preventivs e fixar il pei da taglia*
12. *Orientaziuns*
13. *Casa pervenda veglia*
14. *Undraziuns*
15. *Varia*

Cun numnar duas personas da gronda impurtonza ch'èin mortas ils 4 d'avrel (s. Isidor igl onn 636 e Martin Luther King igl onn 1968) arva nies president Linus Maissen la radunonza generala. In special beinvegni admetta el a nies plevon sur Georg Changeth ed agl avat Vigeli Monn sco era als representants dalla vischnaunca da Mustér. Igl emprem prelegia Linus Maissen las perstgisas per questa sera e lai approbar la gliesta da tractandas, quei senza amplificaziuns ni correcturas.

1. Sco dumbravuschs vegnan elegi ils signurs Andri Hendry ed Andreas Arpagaus.

2. Il protocol dalla radunonza generala dils 1 d'avrel 2013 vegn approbaus unanimamein cun engraziar all'actuar Jris Lombris.

3. Elecziuns

- a) *actuarA*
- b) *ugau pervenda*
- c) *ugau/ugadessa Segnas e vicepresident/a*
- d) *revisurs da quen*
- e) *commembers cussegl pastoral*

Sco nova actuar per la suprastonza dalla pleiv sa Linus Maissen proponer als presents dunna Corina Manetsch. Ella vegn elegida unanimamein.

Igl ugau-pervenda Willi Lozza ch'èi dapi 15 onns en suprastonza ei sedeclaus promts

da star vinavon en uffeci e vegn reelegius pils proxims treis onns.

Cunquei che la caplania da Segnas vegn integrada ella Pleiv s. Gions ston ils presents eleger inA representantA en suprastonza da pleiv per la caplania da Segnas e quei sco ugau-baselgia. Per quei post stat igl anteriur president dalla caplania Gion Tenner a disposiziun. El vegn elegius unanimamein. El surpren il medem mument era l'incaria da vicepresident dalla pleiv.

Cunquei che omisidus revisurs han abdicau ston ils presents eleger oz dus novs revisurs. La suprastonza propona dunna Graziella Di Bella-Flepp e signur Romeo Schmed. Els vegnan elegi unanimamein per la proxima perioda d'uffeci.

El cussegl pastoral dat ei neginas midadas, perquei vegnan ses commembers elegi en globo.

Igl ei quei sur Georg (ex officio), Gion Battesta Hosang, Willi Lozza, Marie Luise Deflorin, Laurenzia Schnoz, Josef Buschor, Giusep Caduff-Kneidinger, Ermelinda Casanova e Giusep Duff.

Laurenzia Schnoz e Marie Luise Deflorin han denton il giavisch da calar schispert ch'ins anfla novs commembers el cussegl pastoral. Il president gratulescha aschibein als reelegi sco als niev elegi per lur elecziun ed engrazia grondamein a tuts per lur prontadad da segidar en pleiv.

4. Cullas personas en la pastoraziun: sur Georg Changeth, sur Pius Venzin, sur Alexi Manetsch ed ils buns gidonters sur Martin Bearth e sur Giusep Cathomas e buc il davos ils paders dalla claustra mo era cul sustegn dil chor baselgia, tuttas gruppaziuns, catechets e catechetas e buc il davos cun ses collegas da suprastonza sa Linus Maissen affirmer in bien prosperar e luvrar ella Pleiv s. Gions. A tuts in cordial Dieus paghi persunter.

In engraziament special drezza nies president

a sur Pius Venzin ch'ei ius ella meritada pensiu la fin november 2013 ed a sur Georg che lavura dapi exact in onn tier nus e ch'ei sevivius en stupent.

En in cuort memento seregordan ils presents dils defuncts digl onn vargau, en special digl anteriur president dalla pleiv Pius Condrau e digl ordinatur Gion Manetsch.

5. Gion Battesta Hosang, il president dil cussegl pastoral rapporta detagliadamein sur dallas activitads dil cussegl pastoral igl onn vargau el rapport da gestiun. Perquei serestrenscha el oz sigl engraziament a sur Georg, alla suprastonza da pleiv, al cussegl pastoral e tuts ulteriurs gidonters. Il clom d'agid dalla davosa radunonza suenter novs commembers ha buc purtau fretg. Ei vegn tschercau vinavon gidonters pil cussegl pastoral.

6. Gion Tenner rapporta el rapport da gestiun per la davosa gada sco president dalla caplania da Segnas. En quel dat el in sguard sur dil curriu e passau dils onns vargai, surtut sur dallas activitads da sur Pius ch'ei ius en pensiu.

Cunquei che la suprastonza dalla caplania da Segnas ei vegnida sliadiada si a caschun dalla radunonza generala il mars 2014 ei Gion Tenner pia staus il davos president dalla caplania Segnas.

El supplichescha aunc tuts parochians per capientscha sch'il turnus da messa si Segnas mo era a Mustér sto vegnir adattaus alla situaziun da persunal e sche buc tuts giavischs san vegnir risguardai egl avegnir.

7. Il quen detagliau dalla baselgia s. Gions ei stampaus el cudischet sin p. 20/21 e siara cun in surpli d'expensas da frs. 1'500.-. Claudius Berther, igl ugau baselgia drezza plaid d'engraziament allas duas calustras e lur consorts, als calusters da s. Gada e s. Placi

ed a tuts che segidan onn per onn da lavar ora las baselgias e capluttas.

8. Willi Lozza, igl ugau pervenda sto presentar uonn in quen cun in minus da frs. 7'959.77. Tier la taglia ha ei dau ina gronda sorpresa, la pleiv ha incassau frs. 43'246.25 dapli che previu.

9. Grazia ad ina donaziun anonima da frs. 2'000.– sa l'ugadessa dalla caplania Cavardiras Alexa Schuoler presentar il quen cun in gudogn da frs. 325.67. Bein laian las cassas da s. Antoni e quella da candeilas ina biala summa. Mintg'onn sei denton da far remaduras vid ed entuorn baselgia. Aschia han ins stuiu sanar igl onn vargau ils mirs entuorn la porta-baselgia. En suprastonza ei vegniu deciduu da far duas gadas il meins messa a Cavardiras. L'ugadessa engrazia a sur Georg, sur Alexi, alla calustra Carmelina Pöhl ed a tuts organists sco era als consuprastonts ed als benefactors dalla caplania Cavardiras.

10. Avon che vegnir tiel rapport dils revisurs engrazia il president a tuts ugaus da nossas capluttas e baselgias per lur gronda lavur. Las facultads dallas capluttas ein era numnadas el rapport da gestiun.

En num dils revisurs rapporta Roger Sac: Els hagien giu grond plascher dall'entrada da taglia. Cun quei che quella summa ei pli aulta che prevedida, ha ei dau in quen cun ina sperdita da mo frs. 8'000.–. Els sperien vinavon che quellas entradas semovien en quella rama e ch'ins stoppi buc alzar il pei da taglia. Tier la Pleiv s. Gions setracti ei d'in pulit grond menaschi financial che funcziunescha fetg bein. Ils revisurs engrazian a tuts funcziunaris per lur gronda lavur.

Bilanza e quens vegnan approbai dils presents cun engraziar a tuts responsabels per lur lavur.

11. Claudius Berther presenta in preventiv

ulivau per la baselgia s. Gions. La vischnaunca vul sanar la via s. Gions. Era la Pleiv s. Gions sto pagar sia cumpart da perimeter ell'altezia da ca. frs. 4500.–.

Willi Lozza presenta il preventiv dalla pleiv che siara cun in pign surpli d'expensas.

La suprastonza propona als presents da schar il pei da taglia sin 12%. Quei vegn approbau dils presents.

12. Il president orientescha suandontamein: Sur Pius segida pil mument si Segnas tenor pussevliadad ed aschiditg che sia sanadad lubescha ei. Tuts dueien far schi bien e consultar il fegl uffical pertuccont urari da messas e devoziuns. Per la creisma han ins saviu engaschar uonn avat Vigeli Monn.

Il president engrazia inaga specialmein a Gion Tenner che redegia mintg'onn il rapport da gestiun.

Sur Georg giavischa era il plaid: Gest avon in onn ha el entschiet sia incarica sco niev plevon administratur cheu a Mustér, quei ch'ei stau per el ina gronda sfida. Tut era niev per el. Biars parochians ein denton segidai pruamein cun el. Sur Georg engrazia zun fetg al president Linus Maissen per tut agid. Alla suprastonza da pleiv, cunzun a Willi Lozza, Jris Lombris e tuttas dunnas che sustegnan el adina puspei, lu era al cussegl pastoral cun ses commembers. Tut quei sustegn dattan ad el anim e forza pil proxim onn. El supplichescha denton vinavon per sustegn ed agid da tuts era egl avegnir.

13. Gia in pulit temps ponderescha la suprastonza tgei far culla casa pervenda veglia? Pils pumpiers ei quei in dils megliers objects per exercezis, la casa ei denton en in schliet stan. Per quei damonda la suprastonza oz ils presents in credit da frs. 50'000.– per saver spazzar la casa pervenda il proxim temps. La lubientscha digl uestgiu ei avon maun. En cass d'ina spazzada dalla casa stuess la vischnaunca lu ereger in edifeci per dustar ses urdeins

pl manteniment dil santeri. Ils presents han neginas damondas e concedan il credit da frs. 50'000.– per in eventual spazzament dalla casa pervenda veglia.

14. Linus cumpareglia la pleiv cun ina tschaguola fritgeivla e regala a mintga persuna che vegn honorada ni ch'entscheiva ina nova incarica ina tschaguola da begonia che duei regurdar tuts vid ils bials temps enteifer las retschas dalla pleiv.

Linus entscheiva las undrientschas cun Bruno Flepp ch'ei staus 11 onns vicedirigent e 10 onns dirigent dil Chor baselgia s. Gions. Tgei che quei vul dir san mo quels ch'ei stai en tals posts: encurir literatura, tedlar, pesentar tenor las vuschs dil chor, lu exercitar per sesez e cul chor – ina gronda prestaziun. Grond engraziament al Bruno.

Sora Giuanna ei stada dapi 1999 a Mustér e ha surviu alla pleiv sco gidontra cun parter ora la communiun a malsauns ed attempai e sco lectura. Linus rauenta dils biars onns che las soras d'Ingenbohl ein stadas sesentas cheu a Mustér. Alla sora Giuanna seigi engraziu zun fetg per siu grond agid. Era a sora Madleina engrazia il president per siu agid, cunzun cun sur Georg e sco lectura.

Irena Huonder ei stada 9 onns ella gruppa „Salid dil Segner“. Ella ei s'engaschada cun grond plascher tuts quels onns. Era all'Irena admetta il president in grond engraziament. La gruppa „Salid dil Segner“ sa festivar proximamein 25 onns existenza.

Heidi Durschei ei stada 10 onns lectura en baselgia s. Roc a Segnas. Ella segida denton aunc vinavon sco gidontra da calustra. Era ella mereta grond engraziament.

Als revisurs partents Roger Sac (6 onns) e Catrina Berther (2 onns) vegn engraziu cordialmein per lur lavur prestada per la pleiv. Jris Lombris ch'ei gia varga 20 onns secretaria dalla pleiv ei stada ils 12 onns vargai actua e vicepresidenta dalla pleiv. Uss ha ella il

giavisch d'extrar dalla suprastonza. Jris ei adina sesentida bein en suprastonza ed ha prestau fetg buna lavur sco actua e vicepresidenta mo era sco commembra cun in fetg saun e clar meini.

Las duas rollas suprastonza e secretariat securuschan biaronz ed ella giavisch da sparter quellas duas scharschas, sparter denter lavur operativa e strategica. Quei era en vesta che sur Georg drova aunc dabia sustegn ed agid. La suprastonza deplorescha bein sia decisiun, respecta denton ella ed admetta all'actua partenta in sincer Dieus paghi.

16. Marcus Jacomet fa la proposta da tractar tuts uclauns medem culla purschida da survetschs divins, pia duess Segnas haver tuttina bia messas sco ils auters uclauns. Vinavon giavisch el ch'ei vegni fatg mintga dumengia messa a s. Gions. Ils responsabels vegnan a far tut lur pusseivel d'ademplier quei giavisch. Segnas ei denton sco Cavardiras ina caplania, ha dapli parochians che frequentan aunc stediamein ils survetschs divins aschia ch'ins sa buca cumparegliar culs auters uclauns.

Jacinta Jacomet damonda daco ch'ei vegni indicau duront messa canzuns nunenconuschentas. Ella damonda sch'ei fuss pusseivel da sin ina moda ni l'autra far improvas da cant en baselgia. Era quella idea pren la suprastonza per enconuschientscha e mira tgei ch'ins savess far en caussa.

Cun envidar en tuts presents agl apert siara il president la radunanza generala ed engrazia per la presenza.

*Mustér, fin avrel 2014*

*Jris Lombris-Manetsch, actua*

## Rapport dil president dalla Pleiv s. Gions

Egl onn 2014 ha papa Francestg nominau dus sogns ord il Vatican, papa Gion XXIII che vala sco in revoluziunari naiv enconuschents entras il secund concil vatican e papa Gion Paul II il cumplein conservativ, il papa dils viadis. Omidus han denton viu la Baseligia buca sco ina pussonza privilegiada, mobein ina Baseligia sco survienta dalla veta e dalla dignitad humana. Deplorablamein ein bia patratgs da quels dus papas aunc buc vegni realisai. In plaid da papa Gion XXIII ch'ei morts gia 1963 duront il concil vala aunc oz sco impurtont muossavia. El ha detg: "Il mund semova. Igl ei necessari d'anflar cun cor giuvenil e plein fidonza il dretg access tier quel e buca sfarlatar il temps cun cunfrontaziuns. Jeu prefereschel da tener pass cun quel che va, enstagl da separar mei da quel e da riscar ch'ins mondi sper mei vi." Deplorablamein ha quei patertgar buca pigliau ragischs ed ei fuss bi sche papa Francestg savess realisar silmeins ina part cun arver quella perspectiva – era tier nus fuss quel impurtonts per surmontar la discrepanza denter la basa ed ils responsabels.

### La pastoraziun

Spazis pastorals stattan avon porta e vegnan a midar las structures dallas pleivs per saver ademplir lur pensums el futur. Speronza sederasa lu era in niev spért. Per cletg ha nossa Pleiv s. Gions aunc in ferm cerchel da fideivlas collaboraturas/fideivels collaboraturs e quei sur biars onns. Quei ei fetg bi – il president ha lu la ludeivla honur d'exprimer in sincer Dieus paghi persuerter, sperond ch'il bien spért da quella gruppa da parochianas/parochians resti vinavon. Engraziel fetg a tuts ed a tuttas che continueschan ni termineschan lur activitad. Cul medem entusiassem e carisma ed era moda fetg positiva da s'entupar cullas parochianas/culs parochians ha sur Georg (Dr. George

Changeth) continuau cun siu pensum pastoral ed administrativ da nossa pleiv. Pli e pli fetg eis el sendisau a nies viver cristian catolic, a nossa cultura e mentalitad ed anflau fetg buna accoglientscha sco pastur dallas olmas. La fetg buna continuaziun dalla pastoraziun en Pleiv s. Gions ei stada garantida entras la tenuta positiva da sur Georg ed entras il sustegn dalla suprastonza da pleiv. Legrevlamein ha la pleiv astgau quintar vinavon cun igl agid digl anteriur plevon sur Alexi Manetsch. A Segnas ei era sur Pius Venzin che fuva seretratgs suenter 57 onns pastoraziun e 30 onns caplon da Segnas, segidaus tenor sias forzas, malgrad che Matilda Lutz, sia fideivla casarina duront tut quels 57 onns, ha stuiiu serender en casa d'attempai. Era sur Martin che ha festivau el meins da november siu 80avel natalezi ei segidaus ed ei ina fetg buna petga per sur Georg. A tuts treis, mo era als spirituals pensiunai d'ordeifer ed alla claustra ed allas forzas jastras schein nus in grond engraziament, giavischond buna sanadad e la benedicziun da Diu e sperond ch'els sappien guder aunc entgins onns lur pensiun bein meritada.

### Igl onn ecclesiastic en pleiv

Cun grond plascher lessel remarcar che las festivitads ecclesiasticas ch'ei da gronda muntada per la pleiv e per la cuminonza da vischnaunca han saviu vegnir mantenidas. Da gronda muntada per nos affons ein las messas preparadas entras ils catechets/las catechetas. Per nossa cuminonza cristiana en pleiv e vischnaunca ein plinavon las sepulturas da gronda impurtonza. Nies pievel muossa quella era entras la stedia participaziun. Jeu less admetter in grond "Dieus paghi" per quei segn cristian. La participaziun allas fiastas ecclesiasticas sco Dumengi'alva, s. Gion Battesta ei buna. Aschia ei era il grond

success dallas menadras dil salid dil Segner pils affons denter 3 onns tochen 3. classa. In maletg pli alarmonit ei denton la participaziun da nos affons tiels survetschs divins dalla dumengia. La veta religiusa da nosa pleiv (en vischnaunca) pitescha pia per part gia tiels affons. Quei semuossa denton era tier l'uniun da giuventetgna cun las paradass sco segn extern da nosa religiun cristiana. Era ei la continuaziun dils chors baselgia e dalla societad da musica (era sch'ei va aunc bein pil mument) plitost incerta. Nus astgein tuttina selegrar spels survetschs divins dalla dumengia dallas pusseivladads da far oraziun, reflectar e s'entpar scols priedis da cureisma e dil meins da matg. En special lessel menziunar las occurrenzas meinsilas dil cherchel social – tut purschidas da cuntegn religiun ni profan ch'ei buca semplamein cheu, mobein pretendan gronda organizaziun ed engaschai supplementar da biaras persunas.

### **Nos defuncts**

Sin la pagina dalla Pleiv s. Gions vegnan ils datums dalla mort da nosas parochianas e da nos parochians nudai. Pigl onn 2014 ein 12 parochianas e 12 parochians numnai. Mirond sin las vegliadetgnas stuein nus dir ch'gl aungel dalla mort ha splntau empau tier tuttas annadas, deplorablamein pliras gadas bia memia baul. E tuttina ein lur vetas stadas cumplenidas ed il Signur da veta e mort ha taxau lur cuors da veta per madirs ed aschia clamau els/ellas a casia. Nus ch'essan aunc sin la via terrestre vegnin pertscharts che negin sa l'ura – ei savess pia tuccar nus tuts. Il davos survetsch a nos defuncts/nossas defunctas ei d'accumpignar els sin lur davos viadi terrestres en santeri. Cheu a Mustér ei quei adina in numerus pievel che dat aschia sustegn allas famiglias en malencurada e muossa en engrazieivladad cuminonza religiusa viers tuts merets dils trapassai. Bien engraziament per tala tenuta en nosa pleiv. Legend la gliesta

da tuttas parochianas e tuts parochians che han stuiu bandunar il mund savess jeu scriver ina cuorta menziun persunala da tuts/tuttas. Els/ellas fussen digns da survegnir quella renconuschientscha. Quei ei denton buca pusseivel, mo nus savein che las famiglias vegnan segiramein a tener els/ellas en buna memoria. La Pleiv s. Gions less engraziar a tuts/tuttas per lur engaschi ella cuminonza da pleiv. Detti Dieus a tuts defuncts ed a tuttas defunctas la bein meritada pagaglia en tschiel ed il ruaus perpeten.

### **Meinrad Deflorin-Lutz (22-03-1950 – 26-09-14)**

Mintga carstgaun sa vegnir tangaus tut surura d'ina malsogna, mo buca tuts san acceptar quella a moda positiva. Meinrad Deflorin ha acceptau ella, mo buca resignau – anzi – cun sia tenuta fetg positiva e tarlischur humana, mo era cun si'energia ha el fatg affrunt ad ella plirs onns e regalau aschia ad el, mo era als ses, alla cuminonza dil vischinadi, alla Caplania da Segnas ed alla Pleiv s. Gions nunemblideivels onns. Aunc el davos onn da sia veta eis el puspei returnaus ellas retschas dils cantadurs dil Chor Baselgia Segnas nua ch'el ha cantau dapi siu 17avel natalezi, pia 47 onns, laud e honor al Signur.

Ton pli gronda ha sia mort caschunau ina largia marcanta el ravugl dils ses, mo era dalla Caplania da Segnas e dalla Pleiv s. Gions. Buca meins che 21 onns en la Caplania da s. Bistgaun e s. Roc, sco era 12 onns en la Pleiv s. Gions ha el ademplier conscienziamein il post da revisur da quen. Ultra da quei ei si'activitad per la vischnaunca, per uniuns e buc il davos per la veta cristiana en pleiv stada multifara. Era sche tut quels merets san buca serrar sia largia, pon els viver vinavon en nosa cuminonza. La Pleiv s. Gions e la Caplania da s. Bistgaun e s. Roc engrazian al trapassau da cor per tutta lavur prestada. Il Diu Tutpussent

ha segiramein nudau tut las bunas ovras e surdau ad el la pagaglia en tschiel. Car Meinrad ruaussa en pasch – tiu surrir viva!

### **Engaschis en pleiv**

Mintg'onn crescha miu respect e mia stema viers igl engaschi da nos parochians/nossas parochianas e quei per tuttas baselgias e capluttas dalla Pleiv s. Gions seigi quei cun festivar las perdanonzas, las processions, il manteniment e schubergiar ils edifecis, mo era la participaziun ed il bien spért da pleiv. Quei tut schabegia per gronda part el tschellau, senza grondas demonstraziuns. Il bein reussir digl onn ecclesiastic succeda entras numerusas persunas e gruppaziuns. Las impurtontas activitads vegnan numnadas el rapport da nies premurau president dil cussegl pastoral nua ch'el dat ina fetg buna survesta dallas contribuziuns specificas dils gremis, sutlingiond la lavur exemplarica e nunstunclenteivla da quellas collaboraturas/collaboraturs e funcziunariss. Mintg'onn meritassen tuttas persunas naven da A–Z da vegnir numnadas per num. Quei ei buc pusseivel. Jeu vi denton far l'emprova tier entgins bustabs e numnar exemplaricamein impurtonts cavazzins sco augsegner ed archivar, calustras e catechetas, gruppaziuns da tut gener e gidontras, organists ed organisaturs, secretariat e salid dil Segner, ugaus ed ugadessas → tuttas persunas formeschan il zenit da nossa pleiv e per quei exclomel a tuts e tuttas: Dieus paghi! En quei engraziament less jeu era enserrar il lavar ora la baselgia parochiala s. Gions e tut las autras baselgias e capluttas che vegn organisaus cun bia gidonters/gidontras dall'unioniun da dunnas el vitg ni dils responsabels/dallas responsablas els uclauns.

### **Petgas da nossa cardientscha**

Mintga parochian e mintga parochiana ha retschiert ils s. Sacraments (s. Batten, s. Communiun, s. Creisma) e formeschan

ensemien aschia la cuminonza da nossa pleiv, d'ina pleiv catolica el ravugl dalla Baselgia catolica. Impurtont per la pleiv ei la veta existenta, mo era la continuaziun entras las generaziuns giuvnas, las petgas futuras da nossa cardientscha catolica. Igl onn vargau han 19 affons retschiert il sacrament dil s. Batten e 17 l'emprema s. Communiun. Igl gliendisdis Tschuncheismas vargau han 31 confirmands e confirmandas retschiert il sacrament dalla s. Creisma entras avat Vigeli Monn. La finamira dils sacraments ei da dar glisch e forza per segirar profundas ragischs cristianas en nossas famiglias giuvnas, da tschentar in solid fundament per l'instrucziun religiusa en scola e famiglia ed aschia haver la caparra per ina futura veta cristiana dils affons. In special capetel fuss da dedicar a nossa giuventetgna per derasar in bien spért da convivenza e principis etics. Mo aschia sa in spért cristian catolic el senn da nos dis fitgar pei tier nus per dar perdetga da nossa cardientscha. A tuts geniturs, educaturs, catechetas/catechets, menaders exprimel in grond engraziament per lur impurtonta lavur els fatgs dalla Bibla e per las preparaziuns dils s. Sacraments, messas e devoziuns specialas – in summa per il bien exempel ch'ei d'immensa impurtonza e che ha gronda influenza.

### **Renconuschientscha ed engraziament**

La lavur pastorala en nossa pleiv ei pli complexa che quei ch'ils parochians e las parochianas vegnan cunfrontai. Sur Georg ei s'engaschus cun tutta forza per corrispunder aschi fetg sco pusseivel a nies sistem tradiziunal en nossa pleiv ed jeu astgel dir: el fa grondiusa lavur per la quala jeu lessel exprimer ad el in grond engraziament. En quel lessel era enserrar ils augsegners pensiunai sur Alexi Manetsch e sur canonai Pius Venzin, mo era ils paders e la liunga retscha da gidonters/gidontras davon e davos las culissas. Tiel cumiau dalla soras da Ingenbohl e quei suenter varga 150 onns ha la

Pleiv s. Gions engraziaiu ad ellas per quei liung engaschi per la formaziun cristiana sin plirs palancaus.

La suprastonza dalla Pleiv s. Gions ha sespruau da menar la barca da nossa pleiv cun l'integraziun definitiva da Segnas dond breigia da continuar bein la lavur pastorala ed organisar in bien ritmus da s. Messas a Segnas. Cun la gronda presenza expriman las parochianas/ils parochians da Segnas il ver engraziament pils survetschs divins a Segnas. Per la pleiv eis ei denton era impurtont da sensibilisar l'entira pleiv per las s. Messas a s. Gions che duessen daventar ina demonstraziun da cuminonza da pleiv. Mo aschia savein nus mussar unitad anovians!

Preziadas parochianas, preziai parochians.

Jeu astgel accentuar la nunstunclenteivla lavur fetg cumpetenta ed autonoma dils responsabels/dallas responsablas els diferents ressorts en nossa pleiv. Il center da tut ei la suprastonza. Perquei lubi a mi il duiv e profund engraziament a mes consuprastonts. Jeu mo admirel la lavur cumpetenta dad els/ellas naven digl augsegner, ils ugaus baselgia, pervenda, Segnas e Cavardiras ed il president dil cussegl pastoral culs ressorts responsabels, l'actuara e nossa versada secretaria. Caras parochianas e cars parochians – senza vossa partecipaziun alla veta religiusa savess nossa

pleiv buca flurir. Vus demusseis che vus essas cunscients dall'impurtonza religiusa en pleiv en nies temps plein hectica e savens senza gronda speranza! Per cura che quels encardens d'oraziun e sentupada, da paus e ruaus mauncan, vegnin nus pertscharts da quella rihezia. Pia – lein dar quitau da quei ed esser vinavon activs per far affrunt al desinteress per la religiun en general e formar aschia ina Baselgia catolica moderna nua che nossa giuventetgna ed affons anflan lur dacasa religiuis. Sperond sin buna continuaziun da tuttas activitads instradadas da nossa claustra egl onn giubilar, engraziell jeu ad ella cun avat Vigeli alla testa per tuts survetschs per la pleiv e per la populaziun. Secapescha lessel buca emblidar en miu engraziament la populaziun en general e las autoritads communalas per tutta collaboraziun e tut engaschi per la cuminonza cristiana. Jeu repetel: ina cuminonza: pleiv – vischnaunca – claustra funcziuna mo cun sustegn vicendeivel e cun agid da bia gidontras e gidonters. La suprastonza spera era el futur che siu exempel animeschi ulteriuras persunas da s'engaschar per nossa pleiv. In sincer e profund "Dieus paghi".

*Per la suprastonza dalla Pleiv Soĝn Gions  
Linus Maissen, president*

# Rapport dil cussegl pastoral dalla pleiv Sogn Gions

Preziadas parochianas, preziai parochians  
Cun grond plascher rapportel jeu sur dallas  
occurrenzas succedidas entras il cerchel  
liturgic ch'ei responsabels per tuttas activitads  
en baselgia ed il cerchel social-caritativ che  
s'engascha per las senioras ed ils seniors da  
nossa pleiv.

Ils 9 commembers e commembras dil cussegl  
pastoral sesprovan d'ademplir tut las incaricas  
per cuntentientscha da vus, caras parochianas  
e cars parochians.

Buca emblidar lessel jeu las numerusas  
persunas che segidan voluntariamein en  
differentas gruppas ch'ein suttamessas al  
cerchel liturgic numnadamein:

la gruppa da devoziuns, rusari da morts,  
retscheiver la bara, salid dil Segner,

Rita Furger che porta la communion als  
malsauns, las lecturas e las ministrantas e  
ministrants.

Ensemen cun sur Georg sespruein nus  
adina puspei dad activar la veta en pleiv cun  
organisar differentas occasiuns, occurrenzas  
ed eveniments.

## Il cerchel liturgic

### Nossadunna da candeilas

Alla benedicziun dallas candeilas avon casa  
da scola han puspei numerusas parochianas e  
parochians priu part ed ein silsunter serendi  
en processiuin en claustra per assister ensemen  
cun il convent claustral - alla sontga messa.

Ina biala processiuin che nus lein mantener e  
promover vinavon.

### Unfrenda da cureisma

Sco usitau havein nus rimnau l'unfrenda da  
cureisma en baselgia parochiala, en baselgia  
da Segnas ed en baselgia da Cavardiras. Ella  
ha purtau la biala summa da frs. 6'467.65. En

num dall'organisaziun "Fastenopfer" sco era  
en nies num engraziein nus a tuts donaturs  
persuenter.

### Creisma

Gliendidis-Tschuncheismas ils 9 da zercladur  
ha monsignur avat Vigeli cresmau nos  
confirmants. Catechet Aluis Hosang ha cun  
zun gronda intelligenza e breigia preparau els  
sin la retschevida dil sogn sacrament. Als dus  
numnai nies grond e sincer engraziament per  
la biala fiasta che nus tuts havein astgau guder.

### Aperos

Ils usitai aperos da dumengialva, creisma,  
messa da Sogn Hubert eav vegnan organisai  
dil cerchel social-caritativ. Quei versau team  
presta onn per onn fetg buna lavur. Grond  
engraziament persuenter.

### Rogaziun federala

La nova modificaziun cun la sontga messa  
celebrada da monsignur avat Vigeli allas 10.00  
uras en claustra e la messa cantada dils chors  
reuni da Segnas e Sogn Gions ha giu bien  
resun.

La gruppa da devoziuns cun sur Georg,  
cun las lecturas Jris Lombris ed Alexa  
Schuoler ha procurau per ina profunda e  
commuentonta devoziun il suentermiezdi, era  
en preschientscha da numerus claustrals, en  
baselgia parochiala.

### Devoziun ed unenziun per nossas senioras e nos seniors

In pulit diember da senioras e seniors ha priu  
part en claustra alla biala devoziun preparada  
da sur Georg. Impressiuinonts plaid han dau  
forza e curascha a nos attempai ed ad in e  
scadin.

Silsunter ha igl apero rinforzau olma e tgierp.

Bien engraziament al team dalla claustra che ha surviu e puppergnau nus tuts.

### **Messa da Sogn Hubert**

Lusitada messa da Sogn Hubert ha giu liug ils 22 da november allas 17.00 uras. Ensemen cun sur Gerog, la secziun da catschadurs Péz Alpetta e naturalmein ils sunacorns Badus. Catschaduras, numerus catschadurs e musicants sepresentan en lur bialas monduras da catscha, quei che dat ina tempru tut speciala. Ils bials e sonors tuns han delectau nos cors. Igl aperitiv ha silsuenten dau caschun a beinenqualin per in discuors e da guder in bien migiel vin. Engraziament a tuts che han priu part ed al cerchel social-caritativ per la buna organisaziun.

### **Salit da Nossadunna**

Onn per onn seregorda la gruppa da devoziuns, ensemen cun biaras parochianas e parochians en malencurada, da tut nos morts digl onn. Nus recumandain a tuts parents quella devoziun che ha giu liug ils 9 da november.

### **Adoraziun tgeua**

L'emprema dumengia d'advent, ils 30 da november ei in grond diember da parochianas e parochians da nossa pleiv serendius en baselgia per envidar ina candeila e per seprofundar en l'oraziun. Ina adoraziun individuala che vegn apprezzada. La gruppa "Salid dil Segner" ha embelliu l'adoraziun.

### **Survetsch divin da Sontgaclau**

Ils 6 da december ha la viseta da Sontgaclau priu sia entschatta en baselgia tier in survetsch divin festiv celebraus da sur Georg ensemen cun la catecheta Corina Defuns e sia classa. Engraziament als geniturs ch'ei'n stai presents. Las suitas da Sontgaclau ch'accumpognan la sontga messa, procuran per ina biala cumparsa ella nav da nossa biala baselgia. Lein mantener quei bi usit.

Il cerchel liturgic organischescha, segida ed embellescha nossas fiastas ecclesiasticas durent igl onn ora.

La gruppa da devoziuns cun sora Madleina, Laurenzia Cajacob, Jris Lombris ed Alexa Schuoler organischescha pliras devoziuns. A sora Madleina engraziein nus da cor per siu engaschi.

Ils menaders dils rusaris da morts: Laurenzia Cajacob, Rita Furger, Laurenzia Gadola, Catarina Steger e Benjamin Schuoler meretan in grond compliment ed engraziament pil nunstunclenteivel engaschi. Els procuran che la dolor dallas famiglias en malencurada vegn cheutras sminuida. Igl urar communabel pil trapassau vegn apprezzaus grondamein dalla parentella.

Era als ordinatur da sepultura Guido Deflorin ed Andreas Arpagaus in grond Dieus paghi per lur buna lavur bein organisada.

### **Retscheiver la bara**

Ensemen cun la famiglia en malencurada recitescha la gruppa retscheiver la bara ina biala levgiunta devoziun rimnada en in bi cudischet. Alla gruppa cun Laurenzia Cajacob, Agnes Deflorin, Marcellina Giger e Laurenzia Schnoz nies cordial Dieus paghi. Gest quei mument da dolor vegn cheutras levgiaus als pertuccai.

### **La gruppa "Salid dil Segner"**

*La menadra Corina Defuns rapporta:*

„Grazia per l'aua dalla veta, grazia che ti eis oz cun nus. Grazia per mintga di e tut quei che ti das a nus.“ (Ord il cudisch „Selegra“, text adattau)

Quella canzun ha accumpignau ils affons tras las devoziuns dad uonn. Il tema „Aua“ ei staus il pugn da partenza per la preparaziun dallas sentupadas culs affons. Ell'emprema devoziun ein ils affons s'occupai cun l'aua sco element dalla veta. Senza aua savein nus carstgauns, ils animals e la natira buca exister. L'aua

frestgenta, lai crescher e flurir, medeghescha e schubregia. Perquei ei l'aua in impurtont element el sacrament dil batten. El batten simbolisescha l'aua la ligia cun Jesus ed il Bab en tschiel. Els daventan impurtonts per nossa veta sco l'aua.

Las historias „Moses e l'aua ord il grep“ e „Sogn Pieder va sur l'aua“ han fascinau ils affons. Duront ina devoziun cul tema „Segner, jeu discuorel cun tei“ han ils affons creau in cudischet d'oraziuns per la damaun e la sera, per avon magliar e per muments da tema. Els han empiru ch'igl ei impurtont dad esser engrazievels per tut il bien a Diu ed als concarstgauns. L'emprema dumengia d'advent han las menadras envidau ad ina devoziun da famiglia ella baselgia da sogn Gions, ensemen cun sur Georg.

Entuorn 30 affons separticipeschan cun plascher ed engaschi allas devoziuns. Regina Giger, Corina Zanetti, Sonja Durschei e Corina Defuns fuorman la gruppa da preparaziun. Naven dil settember entochen Dumengia da palmas han siat devoziuns giu liug. Sin nossa pagina dad internet [www.saliddilsegner.ch](http://www.saliddilsegner.ch) san ins s'informar davart l'organisaziun ed ils datums. Plinavon san ins contemplar leu fotografias dallas devoziuns.

In cordial engraziament admettein nus alla suprastonza dalla pleiv, alla secretaria Jris Lombris-Manetsch ed al Cussegl pastoral per il sustegn e la bunaveglia.

Enten visualisar, zambergiar, giugar e cantar vegnan ils affons avischinai allas historias dalla bibla.

### **Il cerchel social-caritativ**

*La menadra dil cerchel social-caritativ*

*Laurenzia Schnoz rapporta:*

A nossas sentupadas ed occurrenzias durant igl onn ora sepresentan biaras parochianas e parochians. Quei legra nus zun fetg e dat forza e curascha da continuar cun la lavur.

Al lotto tradiziunal dils 27 da fevrer el hotel La

Furca ha in bi diember da personas priu part ed empruau lur cletg. Bials premis carmalan da prender part.

Il gentar communabel ell'ustria Cresta a Segnas ei staus fetg buns e la honzeliadad dalla patruna e dil persunal vegn respectada.

Ils amitgs dil giug da jass e dallas troccas han era uonn anflau tensiun e cuort'uriala.

Cordial engraziament a vus tuts persuerter.

Vossa preschientscha a nossas occurrenzias legra nus zun fetg. Bugen sperein nus vinavon che vus detties suatientscha a nossas invitaziuns. En num dalla gruppa dil cerchel social-caritativ selegrel jeu d'astgar solidar vus tier ina occasiun ni l'otra.

### **Devoziun tier Sogn Antoni a Cavardiras**

La devoziun tier Sogn Antoni a Cavardiras, bein preparada entras nies bien augsegner sur Georg, ei stada frequentada fetg bein. Cordial engraziament persuerter. Las participontas ed ils participonts ein stai incantai ed in levgiament spiritual e religios ei semussaus. La sentupada el Hotel La Furca tier in bien puschegn ed in scart troccas ni jass ei stada fetg amicabile.

### **Viadi cun nossas senioras e nos seniors**

Il viadi dils 3 da fenadur al Plantahof a Landquart ei staus fetg instructiv. La buna presentaziun dil bein Plantahof entras il guid local competent ei per in e scadin da nus stada in deletg. In grond diember da seniors ha priu part. Il bien gentar ella sala da magliar dil Plantahof ha gustau e rinforzau nus da cuntinuar nies viadi. Nus tuts havein gudiu in bi di en buna e legra cumpignia. Tals viadis delecteschian e cuntentan nos cors e nossas olmas.

### **Gentar communabel per senioras e seniors**

Mintgamai encunter la fin digl onn, uonn ils 27 da november ha il tradiziunal gentar communabel el center Aua viva giu liug. Il cerchel social-

caritativ cun la menadra Laurenzia Schnoz e la cassiera Marie Louise Deflorin e sias gidontras e gidonters organischeschan onn per onn quella biala beinpreparada occasiun. Il bien gentar carmala in bi diember da participonts. Bunas cuschinieras, buna servitud e la buna organizaziun cuntentan in e scadin. Il bien menu, in bien migiel vin sco era in bien dessert dattan forza a tgerp ed olma.

Era las troccas ed igl jass han buca muncau.

Preziadas parochianas, preziai parochians, Ina ga dapli ei bia lavur vegnida prestada. Cun in pign diember da commembers havein nus sespruau d'ademplier plirs giavischs. Tut ei forsa buca gartegiau. Cun vies interess, vies sustegn, cun vossa participaziun als survetschs divins e devoziuns, sco era cun vies engaschi en favur dalla baselgia e pleiv, segireis vus ina cuntinuaziun dalla lavur dil cussegl pastoral. Per puder e saver ademplier aunc meglier nies pensum drova ei denton persunas ch'ei promptas da segidar cun nus. Novas forzas cun novas ideas e novs impuls ein beinvegnidas. Bugen stein nus a disposiziun per damondas e nus fussen fetg engrazievvels d'astgar beneventar in ni l'auter en nies miez. Nies clom ha anflau resun tier dunna Angelina Tschuor ch'ei sedeclarada da far ina emprova e da segidar cun nus. Speranza vegn quella tenuta copiada d'ulteriuras parochianas e parochians. Nus engraziein ordavon fetg persunter.

### **Engraziament**

Mirond anavos sin igl onn vargau eis ei miu duer e plascher e miu giavisch d'engraziar grondamein a tut quellas persunas che han susteniu, segidau e cumpignau mei duront miu onn sco president dil cussegl pastoral. Alla fin da miu rapport admittel jeu persunalmein ed era en num dils commembers a nies plevon sur Georg, avat Vigeli cun ses confrars dalla claustra, a sur Alexi Manetsch per la substituziun duront las vacanzas da sur Georg,

a sur Pius e sur Martin per la concelebrazziun als survetschs divins, a nos spirituals pensiunai in grond e resentiu engraziament per lur lavur. Alla suprastonza dalla pleiv, alla secretaria Jris Lombris, allas calustras Agnes Deflorin ed Ottilia Hosang in grond e sincer engraziament per la buna nuncumplicada collaboraziun. A dunna Rita Furger che viseta nos malsauns che selegran d'astgar retscheiver ina gada al meins la s. communiun, in special e sincer Dieus paghi. Era in grond engraziel a tuttas persunas che s'engaschan e segidan en las differentas gruppas. Engraziar lessel jeu era da tut cor a tut quels che han visitau ils survetschs divins, rusaris e devoziuns.

Ina gada dapli hai jeu saviu sefidar sils commembers dil cussegl pastoral che segidan nua ch'ei san e pon. Ad els in tut special engraziament. Nua ch'ei regia ina buna collaboraziun vegn era prestau buna e cuntenteivla lavur.

Nies bien Diu gidi, pertgiri e protegi nus tuts. Jeu giavischel a vus tuts mo il bien, bia cletg, cuntentientscha e perseveronza per la causa religiosa.

*Mustér, avrel 2015*

*Gion Battista Hosang, president*

## Quen dalla pervenda da S. Gions per 2014

<b>Expensas</b>	<b>31.12.14</b>	<b>31.12.13</b>
<b>Salaris pleiv Mustér</b>	<b>264'648.70</b>	<b>247'003.30</b>
salaris augsegner	71'400.00	53'150.00
salaris personal gidonter	73'115.90	73'527.10
substituziuns	3'440.00	11'600.00
ductrina	67'430.60	68'439.50
giuventetgna Cadi	10'880.70	9'837.10
SVS assicuranza sociala	12'718.35	12'223.00
indemisaziun suprastonza	11'541.00	11'385.00
segiradas d'accident	2'461.45	2'261.95
cassa da pensiun	7'575.00	4'579.65
instrucziun da lungatg	4'085.70	-
<b>Contribuziuns</b>	<b>13'100.00</b>	<b>1'100.00</b>
diversas contribuziuns	100.00	100.00
baselgia S. Gions	8'000.00	
cussegl pastoral	4'000.00	
instituziuns culturalas	1'000.00	1'000.00
<b>Casas pervenda/schischom</b>	<b>18'132.30</b>	<b>29'393.95</b>
manteniment	3'251.65	4'697.25
mobiliar ed indrezs	99.80	11'111.80
taxas annualas	1'602.40	1'584.40
manteniment indrez	3'591.05	3'388.55
electricidad casas pervenda	1'252.75	671.00
ieli casa pervenda	5'423.10	6'446.95
segiradas casa pervenda nova	930.55	978.35
segiradas casa pervenda veglia	465.80	467.65
segiradas schischom	48.00	48.00
perimeter Via Sogn Gions	1'467.20	
<b>Caplania Segnas</b>	<b>20'117.35</b>	<b>52'138.40</b>
salaris augsegner	-	18'333.15
salaris personal gidonter	17'936.40	31'198.95
taxas annualas	657.80	647.90
SVS assicuranza sociala	740.25	853.75
segiradas d'accident	69.40	245.20
segiradas casa pervenda	713.50	725.95
manteniment casa pervenda	-	133.50
<b>Caplania Cavardiras</b>	<b>13'758.15</b>	<b>14'290.00</b>
salaris personal gidonter	10'394.60	10'251.60
taxas annualas	540.05	540.70
SVS assicuranza sociala	197.25	193.35

segiradas d'accident	53.35	52.35
segiradas casa pervenda	222.30	222.10
manteniment casa pervenda	2'350.60	2'904.10
electricidad e manteniment tualetta		125.80
<b>Diversa</b>	<b>14'242.32</b>	<b>18'590.02</b>
material da biro	643.65	410.60
apparaturas da biro	398.00	1'963.00
indrez da fotocopiar	2'319.09	2'583.87
access internet	764.60	781.60
spesas da banca	174.74	142.30
spesas suprastonza	-	544.50
telefon	1'621.30	1'881.25
francaturas, porto	690.00	602.35
divers regals/occurrenz	964.30	1'221.20
donaziuns	1'363.40	1'796.00
rapport annual	1'573.55	1'560.80
archiv	990.00	750.00
radunonza generala	1'057.95	390.00
diversas expensas	1'219.34	1'236.30
taxas radio e televisiun	462.40	539.45
examinaziun segiradas	-	2'186.80
<b>Total expensas</b>	<b>343'998.82</b>	<b>362'515.67</b>

### Entradas

<b>Taglias/contribuziuns</b>	<b>338'075.45</b>	<b>343'546.90</b>
taglia pleiv	330'575.45	336'046.90
vischnaunca/ductrina	7'500.00	7'500.00
<b>Tscheins</b>	<b>7'733.90</b>	<b>11'009.00</b>
tscheins activs	918.00	1'484.10
tscheins casa pervenda	-	2'400.00
tscheins casa pervenda Cavardiras	4'800.00	4'800.00
tscheins schischom	641.00	638.00
tscheins parcadis Sut-Gliendas	1'200.00	1'200.00
diversas entradas	174.90	486.90
<b>Total entradas</b>	<b>345'809.35</b>	<b>354'555.90</b>
<i>Total expensas</i>	<i>343'998.82</i>	<i>362'515.67</i>
<i>Total entradas</i>	<i>345'809.35</i>	<i>354'555.90</i>
<i>Surpli entradas/expensas</i>	<i>1'810.53</i>	<i>7'959.77</i>

## Bilanza dils 31 da december 2014

<b>Activas</b>	<b>31.12.14</b>	<b>31.12.13</b>
<b>Total mieds finansials</b>	<b>404'864.03</b>	<b>399'923.25</b>
contocurrents	11'119.83	9'388.12
contos da spargn	373'293.60	365'444.70
daner da termin	20'000.00	20'000.00
assegn Banca Raiffeisen Cadi	200.00	200.00
taglia anticipada	250.60	390.43
emprest sur Georg		4'500.00
<b>Total mieds administrativs</b>	<b>110'365.50</b>	<b>110'963.65</b>
casa pervenda	1.00	1.00
casa pervenda veglia	1.00	1.00
casa pervenda Segnas	11'098.85	11'098.85
casa pervenda Cavardiras	1.00	1.00
schischom Dulezi	1.00	1.00
schischom e clavau Acla da Fontauna	1.00	1.00
schischom Sontget	59'261.65	59'859.80
caplutta S. Clau Mumpé-Tujetsch	20'000.00	20'000.00
orgla baselgia Segnas	20'000.00	20'000.00
<b>total activas</b>	<b>515'229.53</b>	<b>510'886.90</b>
<b>Passivas</b>		
<b>Total capital jester</b>	<b>4'250.60</b>	<b>1'718.50</b>
passivas transitoricas	4'250.60	1'718.50
<b>Total capital agen</b>	<b>510'978.93</b>	<b>509'168.40</b>
capital agen	509'168.40	517'128.17
sperdita/gudogn	1'810.53	-7'959.77
<b>total passivas</b>	<b>515'229.53</b>	<b>510'886.90</b>

Mustér, ils 8 da schaner 2015  
Willi Lozza, ugau pervenda

## Quen dalla baselgia parochiala S. Gions 2014

<b>Entradas</b>	<b>31.12.2014</b>	<b>31.12.2013</b>
unfrendas	20'702.40	16'083.10
donaziuns	200.00	-
contribuziun Pleiv s. Gions	8'000.00	-
contribuziun fondo messas fundadas	10'000.00	15'000.00
contribuziun cassa da candeilas	-	4'000.00
diever baselgia, concerts etc.	792.40	350.00
restituziun segirada	-	787.50
tscheins dretg alp Cristallina	350.00	350.00
vendita cudischs	685.00	40.00
diversas entradas	-	626.40
restituziun taglia anticipada	691.25	656.25
tscheins capital	595.50	1'319.65
<b>total entradas</b>	<b>42'016.55</b>	<b>39'212.90</b>
<b>Expensas</b>		
uorden per il survetsch divin	2'015.80	2'529.90
embelliment dalla baselgia (flurs, candeilas)	2'154.65	1'825.08
assicuranza da baghetgs	3'074.55	3'072.00
assicuranza digl inventar	2'796.05	2'998.25
energia, scaldament, glisch	6'012.65	7'677.10
cudischs	2'337.15	429.50
publicaziuns Fegl ufficial etc.	1'134.00	1'085.40
abonnements per man. d'apparaturas	1'166.80	1'289.00
divers quens da reparaturas e manteniment	7'888.05	4'264.55
escha laterala baselgia s. Gions	-	7'462.75
diversas expensas	3'395.15	2'774.25
honorar ordinatur	500.00	800.00
contribuziun ministrants	500.00	500.00
contribuziun chor baselgia	2'000.00	2'000.00
taxas da rumians, canalisaziun e d'aua	1'954.20	1'954.20
spesas da banca, portos	104.50	47.70
<b>total expensas</b>	<b>37'033.55</b>	<b>40'709.68</b>
<b>total entradas 2014</b>	<b>42'016.55</b>	<b>39'212.90</b>
<b>total expensas 2014</b>	<b>37'033.55</b>	<b>40'709.68</b>
<b>surpli entradas 2014</b>	<b>4'983.00</b>	<b>-1'496.78</b>

## Bilanza per ils 31 da december 2014

<b>Activas</b>	<b>31.12.14</b>	<b>31.12.13</b>
conto current nr. 11079.72	56'991.91	52'008.91
daner a termin nr. 11079.20/1290 1.500% 20.01.2012 - 20.01.2019	40'000.00	40'000.00
daner a termin nr. 11079.20/1640 1.000% 07.11.2013 - 07.11.2020	30'000.00	30'000.00
<b>Total activas</b>	<b>126'991.91</b>	<b>122'008.91</b>
<b>Passivas</b>		
capital agen	122'008.91	123'505.69
augment	4'983.00	-1'496.78
<b>Total passivas</b>	<b>126'991.91</b>	<b>122'008.91</b>
<b>Moviment dalla facultad 2014</b>		
facultad ils 31.12.2013	122'008.91	123'505.69
facultad ils 31.12.2014	126'991.91	122'008.91
augment dalla facultad per 2014	4'983.00	-1'496.78

*Mustér, ils 7 da schaner 2015  
 Claudius Berther; ugau baselgia*

## Quen dalla baselgia sogn Antoni Cavardiras 2014

### Entradas

unfrendas cun statua da sogn Antoni, donaziun speciala	5'448.65
candeilas	6'068.75
tscheins activs	1'653.80
diever dalla baselgia (nozza)	100.00
restituziun vischnaunca (electricidad tualetta)	300.00
<b>total entradas</b>	<b>13'571.20</b>

### Expensas

energia, scaldament, glisch	3'423.70
assicuranzas	1'569.15
taxas annualas; aua, rumians	405.75
candeilas, devoziunalias	2'763.90
spesas da banca	8.00
manteniment orgla	325.00
manteniment tuchiez	3'807.00
manteniment baselgia	1'750.55
manteniment paramenta	25.00
embelliment baselgia	968.90
diversas expensas	550.55
festivitat da sogn Antoni	477.10
<b>total expensas</b>	<b>16'074.60</b>
<b>total entradas</b>	<b>13'571.20</b>
<b>total expensas</b>	<b>16'074.60</b>
<b>surpli expensas</b>	<b>- 2'503.40</b>

## Bilanza per ils 31 da december 2014

### Activas

conto da commembers nr. 12642.73		63'747.78
conto current nr. 12642.92		3'601.55
daner a termin nr. 12642.55/1802	0.625%, scadenza 2019	100'000.00
daner a termin nr. 12642.73/1943	0.375%, scadenza 2017	60'000.00
obligaziun da cassa nr. 1480		200.00
taglia anticipada		511.70
total activas		228'061.03

### Passivas

capital agen		230'564.43
sperdita		2'503.40
total passivas		228'061.03

### Moviment dalla facultad 2014

facultad ils 31-12-2013		230'564.43
facultad ils 31-12-2014		228'061.03
sminuziun dalla facultad per 2014		- 2'503.40

*Cavardiras, ils 11 da schaner 2015*  
*Alexa Schuoler, ugedessa-baselgia*

## Quen dalla baselgia sogn Bistgaun e sogn Roc Segnas 2014

<b>Entradas</b>	
unfrendas	4'624.90
donaziuns	1'500.00
diversas entradas	231.00
tscheins capital	401.50
contribuziun cassa da candeilas	1'040.70
<b>total entradas</b>	<b>7'798.10</b>
<b>Expensas</b>	
uorden per survetsch divin	3'188.50
assicuranza da baghetgs	727.65
assicuranza d'inventari	605.90
scaldament	2'417.40
energia per glisch ed installaziuns	488.05
cudischs	440.00
publicaziuns feagl official	354.80
servis d'orgla e tuchiez	728.00
diversas reparaturas	194.40
taxas da rumians, canalisaziun, aua, polizia da fiug	438.35
spesas da banca, porti	205.05
viadi ministrants	300.00
indemnisaziuns per leger messas	920.00
<b>total expensas</b>	<b>11'008.10</b>
<b>total entradas</b>	<b>7'798.10</b>
<b>total expensas</b>	<b>11'008.10</b>
<b>surpli expensas</b>	<b>- 3'210.00</b>

## Bilanza per ils 31 da december 2014

### Activas

Banca Cantunala Grischuna	243'643.55
Banca Raiffeisen Cadi	4'885.55
taglia anticipada	140.10
total activas	248'669.20

### Passivas

capital agen	251'879.20
sperdita	3'210.00
total passivas	248'669.20

### Moviment dalla facultad 2014

facultad ils 31-12-2013	251'879.20
facultad ils 31-12-2014	248'669.20
sminuziun dalla facultad per 2014	- 3'210.00

*Segnas, ils 2 da fevrer 2015*

*Gion Tenner, ugau-baselgia*

## Facultad e deivets dils fondos da baselgias e capluttas

	31-12-2013	31-12-2014
<b>Baselgia parochiala s. Gion Battesta</b>		
Ugau: Claudius Berther		
fondo baselgia s. Gions	122'008.91	126'991.91
fondo messas fundadas s. Gions	254'213.51	245'392.74
<b>Baselgia s. Placi</b>		
Ugau: Claudius Berther		
fondo baselgia s. Placi	30'224.67	29'322.40
<b>Baselgia s. Gada</b>		
Ugau: Claudius Berther		
fondo baselgia s. Gada	308'211.19	311'901.29
<b>Baselgia da Nossadunna, Acletta</b>		
Ugau: Corsin Maissen		
fondo baselgia	46'143.70	29'352.10
<b>Baselgia s. Bistgaun e s. Roc, Segnas</b>		
Ugau: Gion Tenner		
fondo baselgia	251'879.20	248'669.20
fondo messas fundadas	103'340.05	104'006.80
<b>Caplutta Sontgaclau, Mumpé Tujetsch</b>		
Ugau: Manetsch Sigisbert		
fondo caplutta	26'012.90	26'871.75
<b>Caplutta s. Valentin, Mumpé Medel</b>		
Ugau: Baseli Jacomet		
fondo caplutta	23'605.90	23'266.85
<b>Caplutta s. Antieni, Pardomat</b>		
Ugau: Christian Duff		
fondo caplutta	17'848.70	17'746.80
<b>Caplutta s. Leci, Disla</b>		
Ugau: Max Deplazes		
fondo caplutta	6'841.96	6'171.76

**Caplutta s. Giachen, Cuo**

Ugau: Adrian Deflorin

fondo caplutta

35'502.20

35'073.50

**Baselgia s. Antoni, Cavardiras**

Ugadessa: Alexa Schuoler

fondo baselgia

230'564.43

228'061.03

fondo messas fundadas

48'566.12

49'339.83



*Gidonters meritai (d.s.): Roger Sac, Catrina Berther, Jris Lombris, Irene Huonder e Bruno Flepp*

## Rapport dils revisurs

Ella seduta dils 6 da mars 2015 havein nus, tenor incarica digl artechel 28 dalla constituziun dalla pleiv Sogn Gions, repassau ils quens ed il menaschi finanziel dalla pervenda, dalle baselgias e dalle capluttas dalla pleiv per igl onn 2014.

Per mauns dalla radunonza generala savein nus dar il suadont rapport:

1. Las cudischaziuns ein accumpignadas dils mussaments necessaris.
2. Ils saldis da cassa, schec postal e conto da banca corrispundan culs attests mussai ora.
3. Las vaglias cudischadas ein avon maun.
4. Las expensas ein fatgas tenor conclus dalla radunonza generala sin fundament dils preventivs. Las ulteriuras expensas ein vegnidas decididas dalla suprastonza tenor las cumpetenzas dalla constituziun.

Sin basa da nossas controllas fagein nus alla radunonza generala las suadontas propostas:

- a) d'approbar la bilanza e quen administrativ per ils 31 da december 2014 dalla pervenda, dalla baselgia parochiala s. Gions, dalle caplanias Segnas e Cavardiras e dalle capluttas tenor las cefras presentadas;
- b) da dar scarica alla suprastonza ed als funcziunaris;
- c) d'exprimer in meritau engraziament alla suprastonza, als augsegners ed a tuttas ugadessas/ tuts ugaus per lur nunstunclenteivel engaschi.

*Mustér, ils 6 da mars 2015*

*Ils revisurs: Graziella Di Bella e Romeo Schmed*

## Preventiv dalla baselgia parochiala S. Gions per 2015

### Entradas

unfrendas	17'000.00
contribuziun Pleiv s. Gions	8'000.00
fondo messas fundadas	10'000.00
tscheins dretg alp Cristallina	350.00
diever baselgia, concerts etc.	300.00
tscheins da capital	600.00
restituziun taglia anticipada	200.00

**total entradas 36'450.00**

### Expensas

uorden per il survetsch divin	2'000.00
embelliment dalla baselgia parochiala	1'700.00
assicuranza da baghetgs, inventar e responsabilidad	5'800.00
energia, scaldament e glisch	6'500.00
publicaziuns, cudischs	1'500.00
abonnements per manteniment d'apparaturas	1'100.00
honorar ordinatur	800.00
contribuziun chor baselgia	2'000.00
taxas da rumien, canalisaziun, aua e fiug	2'000.00
reparaturas e manteniment	5'000.00
midada dils aultplidaders	10'000.00
perimeter via sogn Gions	4'500.00
contribuziun ministrants	500.00
diversas expensas	3'000.00

**total expensas 46'400.00**

**total entradas 2015 36'450.00**

**total expensas 2015 46'400.00**

**surpli expensas 2015 -9'950.00**

*Mustér, ils 19 da november 2014  
Claudius Berther, ugau baselgia*

## Preventiv dalla pervenda da S. Gions per 2015

### Expensas

<b>Salaris pleiv Mustér</b>		<b>246'350.00</b>
salaris augsegners	69'700.00	
salaris persunal gidonter	73'550.00	
substituziuns	5'000.00	
giuventetgna CADI	10'900.00	
contribuziun per ductrina	50'000.00	
contribuziun SVS	10'500.00	
indemisaziun suprastonza	11'000.00	
segiradas d'accident e malsogna	3'000.00	
cassa da pensiun	7'700.00	
instrucziun da lungatg	5'000.00	
<b>Contribuziuns</b>		<b>13'500.00</b>
diversas contribuziuns	500.00	
baselgia S. Gions	8'000.00	
contribuziun al cussegl pastoral	4'000.00	
contribuziun camps Cadi	1'000.00	
<b>Casa pervenda/schischom</b>		<b>41'000.00</b>
manteniment casas pervendas	2'000.00	
manteniment indrez casas pervenda	5'000.00	
perimeter via Sogn Gions	24'000.00	
segiradas, diversas taxas casa pervenda	1'500.00	
segiradas, diversas taxas casa pervenda veglia	500.00	
divers cuosts da schischom	500.00	
ieli casa pervenda	6'000.00	
electricidad casa pervenda	1'500.00	
<b>Caplania Segnas</b>		<b>24'600.00</b>
salaris persunal gidonter	18'750.00	
assicuranzas, diversas taxas annualas	1'500.00	
contribuziun SVS	1'350.00	
segirada d'accident e malsogna	1'000.00	
manteniment casa pervenda	2'000.00	
<b>Caplania Cavardiras</b>		<b>17'200.00</b>
salaris persunal gidonter	10'700.00	
assicuranzas, diversas taxas annualas	550.00	
contribuziun SVS	800.00	
segirada d'accident e malsogna	150.00	
manteniment casa pervenda	5'000.00	

<b>Diversa</b>		<b>47'300.00</b>
material da biro	800.00	
apparaturas da biro	500.00	
indrez da fotocopiar	2'400.00	
access internet	800.00	
francaturas	1'000.00	
telefon	2'000.00	
radio e televisiun Billag	500.00	
spesas da banca	200.00	
radunonza generala	1'100.00	
cuosts da publicaziun	1'500.00	
archiv	1'000.00	
diversas expensas	3'500.00	
amortisaziuns	32'000.00	

**total expensas** **389'950.00**

### **Entradas**

<b>taglias/contribuziuns</b>		<b>383'700.00</b>
taglia pleiv	320'000.00	
baselgia catolica dil cantun Grischun	55'000.00	
vischnaunca/ductrina	7'500.00	
pleiv Medel per ductrina	1'200.00	

<b>tscheins</b>		<b>7'650.00</b>
tscheins activs	1'000.00	
tscheins casa pervenda Cavardiras	4'800.00	
tscheins schischom	650.00	
tscheins parcadis Sut-Gliendas	1'200.00	

**total entradas** **391'350.00**

**total entradas** **391'350.00**  
**total expensas** **389'950.00**  
**surpli entradas** **1'400.00**

## Fixaziun dil pei da taglia per 2016

La suprastanza dalla Pleiv Sogn Gions ed ils revisurs da quen proponan alla radunonza generala dalla Pleiv Sogn Gions/Mustér da fixar il pei da taglia sco suonda:

Per igl onn 2016 duei il pei da taglia restar sco per 2015 sin 12% digl importo dalla taglia semplu dil cantun.

[www.pleivdisentis.ch](http://www.pleivdisentis.ch)

Gia dapi plirs onns ei la Pleiv Sogn Gions era presenta egl internet. Sper ina vasta collecziun da texts historics anfeis Vus dapi il november 2012 leu era igl urari dallas messas, las annunzias da mort, sco ulteriuras informaziuns davart nosssa pleiv.



### Niev logo per la pleiv

2014 ha la pleiv schau crear nies artist indigen Linus Flepp in niev logo per la pleiv. Il vegl ei vegnius duvraus sur decennis e per saver stampar cuviartas e pupi da correspundenza muncava igl original. Ina digitalisaziun da quel fuss buc stada semplu perquei che las copias avon maun eran da schliata qualitat. Il niev logo ei frestgs e surpren il cuntegn dil vegl.

Il niev logo muossa Sogn Gion Battesta, patron dalla pleiv. Las colurs dil maletg han las suandontas muntadas:

ner	la porta sesarva e muossa in'otra via
mellen	fa attent sin tgi che arriva (ils sogns arrivan tras la porta)
tgietchen	simbolisescha il marteri

blau ed oransch	fuorman il contrast cun las ulteriuras colurs
-----------------	---

En quei connex ha ei era dau novs buls per la correspundenza.

## Ufficials dalla pleiv sogn Gions

### 1. Suprastonza dalla Pleiv Sogn Gions/Mustér:

Maissen-Desax Linus, president  
Georg Changeth, plevon (ex off.)  
Berther Claudius, ugau-baselgia S. Gions  
Hosang Gion Battesta, president dil cussegl pastoral  
Lozza Willi, ugau-pervenda  
Manetsch Corina, actuara  
Schuoler Alexa, ugadessa-baselgia Cavardiras  
Tenner Gion, vicepresidente ed ugau-baselgia Segnas

### 2. Revisurs da quen:

Graziella Di Bella–Flepp  
Romeo Schmed

### 3. Ugaus-caplutta:

Acletta	Maissen Corsin
Cuoz	Deflorin Adrian
Disla	Deplazes Max
Madernal	Claustra Mustér
Mumpé Medel	Jacomet Baseli
Mumpé Tujetsch	Manetsch Sigisbert
Pardomat	Duff Christian
Sogn Placi	Berther Claudius
Sontga Catrina	Condrau Giusep
Sontga Gada	Berther Claudius

### 5. Commembers dil cussegl pastoral dalla Pleiv Sogn Gions:

#### 1. Comite

Georg Changeth, plevon (ex off.)  
Hosang Gion Battesta, president  
Lozza Willi, vicepresidente  
Deflorin Marie Luise, cassiera  
Schnoz Laurenzia, assessura

#### 2. Cerchel liturgic

Buschor Josef  
Caduff-Kneidinger Giusep  
Casanova Ermelinda  
Duff Giusep

#### 3. Cerchel social-caritativ

Schnoz Laurenzia, menadra  
Deflorin Marie Luise  
Tschuur Angelina



*Han gidau biars onns el cussegl pastoral (d.s.): Marie Luise Deflorin, Laurenzia Schnoz ed Ermelinda Casanova*

Il Cussegl pastoral enquera adina puspei personas ch'èin prontas da segidar e s'engaschar per nossa pleiv. Interessentas ed interessents san s'annunziar directamein tier il president dil cussegl, Battista Hosang ni tier il secretariat da nossa pleiv. Nus selegrein da mintga maun che segida cun nus.





## Jesus tonscha a nus il maun

Nossa gruppa dil Salid dil Segner ei ina sutgruppa dalla Pleiv s. Gions Mustér. Il patratg essenzial dallas devoziuns ei da salidar il Segner e tgirar la cuminonza cristiana.

Las devoziuns che nus numnein „Salid dil Segner“ vegnan preparadas a moda adattada per affons che frequentan gl'empren e secund onn da scoletta, sco era l'emprema, secunda e tiarza classa primara. Las devoziuns han liug ina gada per meins naven dil settember entochen Pastgas. Mintg`affon retscheiva in`invitaziun persunala alla devoziun.

La veta da Jesus e sia nuviala stattan el center dallas sentupadas culs affons. Enten tedlar,

mirar, urar, cantar, crear e saltar vegnan els avischinai allas historias digl evangeli che raquantan ord la veta da Jesus.

Duront che geniturs e fargliuns pli gronds visetan il survetsch divin a S. Gions, separticipeschan ils affons al Salid dil Segner che ha liug ell'aula dalla casa da scola.

Mintg`affon survegn ina candeila, la quala accumpogna el duront tut las devoziuns. Plinavon posseda mintg`affon in cudischet da devoziuns che vegn cumpletaus cun oraziuns, canzuns e nos maletgs. El ei destinaus pil diever da mintgadi.

Dapli informaziuns anfleis Vus era sut: [www.saliddilsegner.ch](http://www.saliddilsegner.ch)

**P.P.**

**7180 Disentis/Mustér**